

PELAJAR 13

PENGUJI

A. SERANG SITAN

Sitan nyerang setiap iko orang Kristen kelebihan agi nengah akal iya. Lalu iya nujuka serang nya ngagai dua bengkah utai:

1. **Pengingin Dunya**

Iya deka ngiga akal kena nyerang orang ti arap awakka labuh ngagai atur dunya.

- Ngena berekat ari segi pemisi ti dijanjika dunya nyadi pun pengingin;
- Ngena pangkat enggau basa ti diberi dunya tu siti utai ti berguna; lalu
- Ngena pengeraja laban sebaka enggau orang ti bisi ba dunya tu nyadika penatai pengelikon.

“Anang rindu ka dunya tauka barang utai enggi dunya. Enti kita rindu ka dunya, kita enda rindu ka Apai.” (1 John 2:15). Peda ba James 4:4,1; 1 Timoti 6:6-11.

2. **Pengingin tubuh**

Nengah pemati Jesus ba kayu regang, semua orang Kristen ti bisi pengarap dilepaska ari semua perintah dosa, lalu ari kuasa dosa (bacha ba Rom 6:6-14). Tang iya agi idup di dalam batang tubuh ti nyadi rangka pengigin dagin. Sitan ngena utai tu ngelabuhka orang Kristen awakka nyadi utai ti lebih berguna ari iring Roh Kudus ba pengidup iya. (Bacha 8:5-9). Peda mega ba James 1:14; Epesus 2:3.

B. PEMENANG SITAN TI TERUBAH

Sitan bulih pemenang ti berubah di dalam penusah dunya sereta dagin lebuah iya nguji siko lelaki enggau siko indu ti berubah, lalu iya agi ngena chara ti sama datai ka diatu.

“Semua utai ti dalam dunya-nya PENGINGIN MENSIA ti ngasuh bedosa, utai ti DIPEDA enggau DIKEDEKA ka orang, lalu semua utai di dunya tu ti ngasuh ati orang TEMEGAH-nadai siti utai nya datai ari Apai; semua utai nya datai ari dunya.” (1 John 2:16).

Bandangka Penguji Ti Nuntung Hawa dalam Ayat tu:

Pemungkal 3:61

- Manah DIEMPA
- Nyerinduka MATA
- Pengingin Deka BEPENEMU

John 2:16

- Pengingin Dagin
- Pengingin Mata
- Angkun & Temegah

Kenyau pengelabuh Adam enggau Hawa, semua mensia diperintah ulih pengingin mensia (tiga bengkah utai ti dipadahka ba atas).

Tuboh pen dirusak ka ulih pendiau pengidup mensia ti penuh laban dosa (Galatia 5:19-21).

C. BULIH PEMENANG DALAM KRISTUS

1. **Nengah Pengidup Iya.**

Jesus diuji dalam semua utai, sama baka kitai, "tang Iya enda ngaga dosa." (Heb 4:15).

Bandangka Penguji Ti Nuntung Jesus Dalam Ayat Tu:

Luke 4:1-13

- Batu nyadi roti
- Perintah dunya
- Atas rumah Tuhan

John 2:16

- Peningin dagin
- Peningin mata
- Angkun & Temegah

2. **Nengah Pemati Enggau Pengangkat Iya**

Pengarap ti betul (minta, nerima) pengawa Kristus ngelepaska orang Kristen ari pengering enggau kuasa ti ngasuh dosa bekuasa ngagai iya (Rom 8:9).

Iya diatu tau milih bejalai sereta ngasi ngagai perintah Tuhan. Tau di bacha ba Rom 6:8-14.

"Laban utai ti enda ulih putar ka Adat ketegal pengelemi gaya pengidup mensia ti bedosa ari asal, udah dikereja Allah Taala. Iya nya iya ngasuh anak iya empu datai dalam tubuh ti baka tubuh mensia ti bedosa, ngambi ka nyadi piring ti muai dosa. Nya alai iya ngeletak ukum atas dosa mensia ti diperintah gaya pengidup mensia ti bedosa, awak ka pengelurus ti diletak dalam Adat tau dititih ka kitai ti diau nitih ka kuasa Roh Kudus, ukai ka gaya pengidup mensia ti bedosa ari asal." (Rom 8:3,4).

D. PEMENANG ORANG KRISTEN TI BELAMA IA

Nitih ka pemenang ti besai Jesus Kristus ka kita, diatu semua orang Kristen ulih ngalahka setiap serang munshuh. Tu meh kunci kena ngulihka pemenang belama ia.

1. **Patut Nemu Kitai Udah Bulih Pemenang**

Laban Sitan udah dialahka ba kayu regang, pengering Sitan siti utai ti enda ditemu orang Kristen (Hosia 4:6). Tang lebuah orang Kristen nemu kereja ti udah tembu dipandangka nengah regang enggau pengangkat ba pengidup iya semua senjata iblis ti selalu nyerang iya udah dialahka....

2. **Bejalai Sereta Nyingkang Enggau Roh Kudus**

Siti kuasa ti baru diengkahka ba dalam orang Kristen, Roh Kudus empu. Iya ngatur pendiau pengidup kitai ari hari siti ngagai hari siti. Bacha ba Galatia 5:22-25.

3. **Nemu Bagi Penguji Ti Nguji**

Penguji UKAI dosa. NYERAH KA DIRI ngagai penguji nya meh dosa! Bacha ba James 1:15. Pedana mega ba Pemungkal 4:6,7.

4. **Mereti Ka Jalai Keluar Ti Udah Disediaka**

"Genap bengkah penguji ti udah di-asai ka kita, nya endang utai ti selalu datai ba orang mayuh. Tang Allah Taala enda mungkir ka semaya Iya, lalu iya enda nyagi kita di-uji ngalui ari ti ulih ditat ka kita. Lebuah maya kita kena uji, iya deka meri kita pengering kena nan ka

diri, lalu ngada ka kita jalai dikena lepas ka diri.” (1 Korint 10:13). James 4:7 nyeritaka enggau silik chara ngelarika diri: Tunduk meh ngagai Tuhan, laban Sitan lalu iya deka lari!

5. Pegai utai ti bendar dalam pengidup nuan!

“Kita udah di-angkat ka idup baru enggau Kristus. Nya alai asuh ati kita berati ka utai ti diserega, endur Kristus duduk ba penuduk rajah, muak ari kanan Allah Taala. Berunding ka utai ti din aja, anang berunding ka utai ti di dunya tu.” (Kolosi 3:1,2). Peda mega Pilipi 4:8; 1 Timoti 6:11,12; 2 Peter 3:11-13.

6. Ngenyauhka Diri Ari Utai Ti Ditemu Deka Meri Penguji

“Aku enggai ka penyai. Aku begedi ka pengawa orang ti ngelengka ka Allah Taala; aku enggai bekaul pengawa enggau sida.” (Masmor 101:3). Peda mega ba 1 Timoti 6:9-11.

7. Bejaga Meh Ari Pengawa Sitan

Beguna amai ka kitai nemu chara ti dikena munsuh ianya Sitan ngelaban kitai awakka kitai enda ulih dikachau iya. Bacha ba 2 Korint 2:11. Laban Sitan nya:

- a. Pemula (John 8:44).
- b. Betenah sereta nuduh ka orang (Pemandang 12:10).
- c. Penipu (Pemandang 12:9).
- d. Pengachau (Matthew 4:1-11).
- e. Meri Pemedis/Nekan Pengidup Orang (Kereja Rasul 10:38).
- f. Meri Penanggul (1 Tesalonika 2:18)
- g. Baka singa ti betegung (1 Peter 5:8).
- h. Ulih ngubah gamal diri sebaka malikat terang (2 Korint 11:14).

Kitai orang Kristen endang dikangau awakka idup ba dalam Pemenang!. Nengah Jesus, pemenang tu diempu kitai:

- Atas dunya (1 John 5:4).
- Atas pangingin mensia (Galatia 5:16).
- Atas munsuh (Epesus 6:11,13).

KOMITMEN AKU

Aku beterima kasih ngagai Tuhan ka semua janji Iya ti ngelepaska aku lebuah aku dalam penguji. Aku nyerahka diri aku ngambika selalu nguji ngelepaska diri ulih bantu Iya ti selalu sedia awakka aku ulih idup selalu menang. Aku deka magi pemendar tu ngagai orang bukai mega.